

SUE OMNIPOTENTIS MODERAMINE,  
Approbante Ampl. Facult.  
Philos. Ab.

F O E T U R A  
P I E R I A,  
SIVE  
D E M U S I S,

*DISPUTATIO MAGISTERIALIS*

M· CHRISTI ERNO  
ALANDRO,

Eloq. Rom. Profess. Ordin.

P RÆS I D E,

*Simpliciter edita*

A BOÆ,

â

SVEN. MELANDRO,

In Audit. Majori, die 12 Decemb.  
Anno 1696.

---

Impr. apud Jo. LAUR. WALLIUM.

SACRÆ REGIÆ MAJESTATIS

VIRO Fideli Nobilissimo,

in CHRISTO Patri ac Domino,

Reverendissimo

DN. SAMUEL  
WIRÆNIO,

S. S. THEOL. DOCTORI  
Celeberrimo,

Inclutæ Diœcesios Wexionensis  
EPISCOPO

Eminentissimo,

Reverendi ibidem Senatus Ecclesiastici  
PRÆSIDI

Amplissimo,

Gymnasiorum & Schol. per Diœcesin

EPHORO

Accuraissimo,

PATRONO ET PROMOTORI SUMMO !

Salutem perennem & omnigenæ felicitatis splendorem !

*Adm. Reverendo & Amplissimo,*

**DN. M. O L A O  
CAVALLIO,**

Templi Cathed. Wex. Pastori, Archipræ.  
posito & Consistorii Adsessori seniori  
meritissimo, Promotori reveren-  
ter suspiciendo.

*Admodum Reverendo & Praclarissimo*

**D<sup>n</sup>. M. JOHANNI  
COLLIANDRO,**

S.S. Theol. Lect. Prim. Confess. Assess.  
Past. Præpos. graviss. & digniss.  
Promotori certiss.

*Nec non reliqvis*

*Pl. Rev. & Clarissimis VIRIS ac DOMINIS  
Ven. Consistorii nominati A DSESSO-  
RIBUS æquissimis, singulisque Gy-  
mnasii lectoribus laudatissimis, bene-  
factoribus & Promotoribus optimis,  
qvois observantiae cultu  
venerandis.*

*Salutem & officia.*

**T**aud gratis in edito prærupti  
montis vertice Musas sedem  
suam elegisse arbitrata est li-  
terarum gnara antiquitas, ubi  
multa silvarum, ( laureti puta ) perennium  
fontium, indeque largè manantis aquæ dele-  
ctarentur amœnitate, in bunc verticem eniti  
contendunt multi, pauciores, spectatâ loci dif-  
ficultate evadunt. Circa hujus rupis radi-  
ces harere ego semper coactus, assiduò cacu-  
men suspexi, si quâ leniori fastigio submissa  
petra aditum ferentem ad apicem daret, in-  
terea dulcedine desuper ebullientis defluentis  
que humoris degustatâ, inde non potui nec vo-  
lui prius abelli, quam guttatum collecto per  
dejectus manante latice, aliquo modo sitim  
restinxisset, & ad modum captus mei bau-  
sissem. Pro hoc autem Nectare, quo me Muse  
irrigare dignata sunt, non putavi me gra-  
diores ipsis posse referre grates, quam si char-  
bis illarum nomen & Dignitatem mandarem,  
quæ quidem tanta est, ut omnibus deside-  
rium sui excitare deberet, nescio tamen quo  
suo vel alieno merito multorum in se odium  
traxerit; Sed nequicquam, ubicunque enim  
summus jupiter sedem Musis destinavit, ibi

quo-

quoque in tutelam & praesidium illarum potenter Apollinem constituit, adeo ut laterem labent, qui Musas & earum amicos in transennam ducere dolis satagant. In hac fortuna cum quibusvis aliis, Musas Wexionenses contendere possum, quibus tam benignus Patronus inque terrorem inimicorum fasces Episcopus contigit & Ephorus. In quo non minus natura quam fortuna quid efficere possunt videntur experte, illa ut Reverendissimus Praeful nulli non ingenuo Musarum cultori benefacere velit, haec ut potenter etiam possit. Vestræ proinde Paternitatis benignissimo Patrocinio meas spes, meam fortunam, me denique totum commendare quid hæreo? Hoc quoque manus alia gratia auxit summi Numinis bonitas, valido praesidio in Te adm. Reverende Archipræposite locato, qui omne tempus omnemque operam literis & earum sectatoribus dare non intermittis. Mea jam nihil magis interest, quam utriusque vestri pulsare fores, certa spe fatus, sicut omnibus sinceris philomusis semper patent, illas ad nullum in me beneficium clausum iri. Hoc vero me frangit, quod probe huic materiei probus faber non acciderit, erigit interim quod

auri argentiq; ruditis massa, etiam, nullo splen-  
dens cœlato opere, placere & expeti solet. Ex-  
terna pulcritudinis facies infantes & deli-  
catos delectat, præstantiam viri estimant;  
illa, quod fateri piget, cum hic nulla sit,  
nihil valebit, hæc, quod supplex oro & con-  
fido, seipsum atque me commendabit. Vobis  
quoque Pl. Reverendi & Clarissimi lectors,  
qui, dum Musarum linem primum penes vos  
ingrediebar,, agellum ingenii mei seduli exa-  
rando & repastinando coluistis, merito hic  
redire debet fructus, sed id ipsum agrè fe-  
ro, quod laborem vestrum, & proinde expe-  
ctationem vestram equare haud poterit. Ul-  
beriorem ab illis expectetis, quorum facun-  
dus ager dulci fontis humore abundè riga-  
tus, proventum polliceri potest copiosorem, fa-  
cite, quod frugi solet colonus, qui tenuem  
anni proventum non despicit, sed servat &  
boni consulit. DEUS Reverendissimæ vestræ  
Paternitati, vestrisque Dignitatibus felicia  
concedat fata, quod ex imo pectoris votet!

Reverendissimæ vestræ Paternitatis  
Vestrarumque Dignitatum.

Devotissimus & observantissimus cultor  
S. M.

Clarissime Dn. Candidate

S V E N . M E L A N D E R ,

*Amice in paucis dilecte.*

**A** quo tempore heic loci sum, ab eo e-  
tiam Te novi: ita vero Te novi, ut  
sincerè Te non amare non potuerim.  
Quicquid enim insignem optimarum artium  
Cultorem exornare potest, in Te lucere vidi.  
Scilicet mentem candidam & castam, mores  
svaves & jucundos, vitam deprehendi puram  
& innocentem. Nec vero animum vegetum  
vividumque desideravi, sed illum perspicacem  
altioraque adspirantem inveni, adeo ut & ob  
hanc causam sermones Tecum saepius so-  
ciare volupe duxerim. Quam altè autem co-  
gitationes Tuas elevasti, praesens de MUSIS  
arguit Argumentum. Qvo ut nullum inge-  
nio Tuo dignius eligere potuisti, ita in nullo  
major Tibi parata fuisset laus, majorve honor.  
Ipsæ enim MUSÆ, qvarum Excellentiae Tu-  
hic extitisti Praeco, ita laudem Tuam expli-  
care unaqve Te Lauro ornatum, virtutemque  
Tuam Præfuli Tuo Eminentissimo, Musarum  
Estimatori maximo, commendatum ire haud  
desistent, ut & illarum & Tui ipsius causa, la-  
borum in Musarum castris feliciter exantato-  
rum præmium Tibi conringat felix & secundum.  
Quod ut siat ex animo votet Tibi optimè volens.

LAURENT. BRAUN,

Med. Doct. & Prof. Acad. h. t. Rector

Ad

Florilegam Juventutem Smolandicam,  
Cum Mythologiam Musarum, Magisterio  
sacraret,

Eximiae probitatis & eruditionis  
Vic-Jovenis,

SVENOMELANDER,  
EN ROSA UNDE MEL!

**H**æsit Aristaeus, peragrans Peneia tempe:  
Cum sacra Eurydiceæ viciima cæsa foret,  
Cumque suis creberet, detauris deque  
juvencis,

Ferbuit imber apum: num satæ parva sibi?  
Mox ita Apollo pater, tum fors comitante ME-  
LANDRO,  
Pindo descendens Æmoniis que jugis:  
EN ROSA, qvid dubitas, ait, hæc sub Daphni-

dis umbra,

UNDE fluet riguum MEL tibi, melque  
apibus!

Interprete, cui inter  
Florilegos  
secretum innotuit,

JO: RUNGIO:



## THESIS I.

**I**nitio licet hujus negotii a vulgari via non nihil defle-  
cimus, veniam tamen no-  
bis, arbitraria Methodo  
incidentibus, datum iri  
speramus & rogamus, nam  
mos est longo receptus u-  
su, eos qui thema aliquod disputando tra-  
ctare laborant, primum solitos esse an sit,  
de quo agunt, & deinde quid sit, nobis ve-  
ro non tam illum modum spernentibus,  
quam libertate utentibus, prima erit cura  
dispicere quid sint Musæ, quo facto, non e-  
rit difficile, ut fidimus, judicare an sint, &  
forte isto labore prorsus supersedere licebit.  
In natales tam nominis quam rei ipsius hu-  
us materiæ insipienti, tanta sententiarum  
varietas obvia est ut non videamur prorsus  
operam lusuri, si quasdam vel præcipuas  
tarum in apricum sistere contendamus, ut  
aliis quoque facultas fiat de nostra suum fer-  
e arbitrium. Musa est vox Græca, latine in-

A

vesti-

vestigationem seu indaginem significans, am̄ τε μῶν̄ per Sync. pro μῶν̄ th. μάω vehementer cupio & quæro. idem sentit Pharnutus lib: de Nat. Deorum μῶν̄ am̄ ἴης μῶν̄ id est ζητήσεως: Alii propter scientiarum & disciplinarum inter se convenientiam appellant Musas quasi ὄμοισσις, qvod 9. Musæ sibi invicem similes sint quales decet sorores esse. vel ὄμοισσις quia sicut Musæ depingi solent quod se mutuo continent, choros ducant, ita inter omnes scientias & artes est quasi vinculum qvodam cognitionis quo omnes conjunguntur & cohærent. Quidam deducunt a μυέω instituo vel arcana & clausa (doceo. Nec displicet ab Hebræo רְבָנָה qvod eruditionem notat deducere à Rad. רְבִי eruditivit unde (dorice μῶν̄) vel etiam à נָבָן invenit, Musis namque inventio multa tribuitur, ut dicetur post. Quidam Græcorum non inepte Mosen appellant Musaion & Muson, & proinde ab eo Musas; nam ut ille omnis eruditionis princeps fuit, i- ta hæ doctrinis præsunt, sic soror ejus Maria seu Miria merito diceretur Musa, & sociæ ejus Musæ, cuius etymon Kirckerus refert ad Ægyptium μῶν̄ qvod aquam sonat. Qvia Ægyptii inquit, omnes artes occasione aquæ

& fluminum repererunt. Illos etiam ad aquam tremulam Musas invenisse statuit. Roboratur quoque illud testimonio Diodori, qui Musas docet fuisse virgines ægyptias, Musicæ peritas, socias Osiridis sive Bacchi, atque hic propterea dicitur μυσητης perinde ut Apollo.

## THES. II.

**D**e origine Musarum ingens etiam opinionum diversitas est. Antiquorum quidam utpote Musæus & Mimnermus & alii putarunt illas una cum *Saturno* e Cœlo natas ipsoque Jove antiquiores fuisse, & illas pro cognitione vel intellectione animi habuerunt, quia ab origine nobis est insitus scientiæ fons, qui non minus quam ipsa anima, a summò Jove, seu Divinum quoddam est, intellectione enim sublatâ frustra quæritur anima; Cæterum nos hic non tam intelligimus Musam naturalem, hoc est cognitionem per se emanantem & erumpentem, quam acquisitam, & institutionem exercitio comparatam, nam alias plebejus vel agrestis felici ingenio præditus diceretur Musarum Alumnus. Alii Mnemonis & Thesbiæ filias illas dixerunt. Alii Antiopæ & Jovis, ad quas sententias non nisi in-

viti accedimus, illud enim pro rato & fir-  
mo est habendum, cui simplex veritas cal-  
culum adjicere videtur. Postiores vero plu-  
rimi, in quorum vestigia pedes ponere non  
dubitamus, illas a Jove & Mnemosyne esse  
unanimi consensu statuunt, à Jove qvia o-  
mne bonum divinitus descendit; a Mnemo-  
syne quia illud conservatur & augetur me-  
moriæ bonitate & exercitatione. Qui ergo  
in Palæstra literaria contendere desiderat  
percipiendi seu intelligendi & reminiscendi  
gaudebit facultate, prior a Jove, posterior  
a Mnemosyne est, ut duxerunt sapientes. sci-  
licet hunc in modum haud dubie ratio-  
cinari voluerunt. DEUS scientiæ fontem  
nobis inesse voluit, qui quidem ex se ipso non  
prompte scaturit, sed toris aperiatur necesse est,  
quod exercitatione memoriæ fieri debet, illa  
enim locuples eruditionis penus & cella est, &  
non est aliud quod perinde doctrinam sovet ac  
memoria felix; idcirco diligenter est subigenda  
& excolenda iis qui Musarum sacris Initiati sunt.  
Et qvoniam multoties in memoriæ mentio-  
nem volentes incidimus, non invile forte  
fuerit in ejus naturam ὥς ἐν παρόδῳ breviter  
divertere, Sed cum homo ex corpore & men-  
te unum sit, dispiciendum merito esset ne u-  
eriusque actiones, nempe cogitationes mentis,

& motiones corporis confunderentur, ni congeremur, imperatæ brevitati litatori, satis habere, consulto sepositâ intellectuali, & separatis animabus competente memoriâ, qvæ sine Phantasmatum exercitatione, in mente vinculis corporeis laxatâ, arietam vicem præstatæ debet, saltem de animalis seu sensualis & ab unione pendentis memoriæ motionibus pro re natâ agere. Qvarum licet non nullæ à mente determinari queant, plurimæ tamen, si non omnes, machinæ corporeæ debentur. Ea lege DEUS corpori nostro animali unitam voluit ut certo modo sentiret & cogitaret, qvotiescumque corpus aut aliqua ejus pars certa quadam ratione moveatur, & vice versa, & in isto actionum & passionum commercio unio posita est, qvod etiam cernere licet in memoria, qvæ non est aliud qvam rerum ante cognitarum vel præteritarum recordatio, & in statu unionis considerata fit, cum spiritus in cavitate cerebri fluitantes, vel inclinatione glandulæ pinealis ad aliquam partem determinati, vel ab objecto in sensus agente, & nervorum fibrillas in interiore superficie cerebri terminatas movente, agitati, occasionem accipiunt pristinam viam repetendi, & eosdem poros aperiendi, qvos antea cum hac vel il-

la cogitatione mentis huic motui conjuncta  
 Subierunt. Potest etiam actus memoriae solius  
 Spiritus animalis fluxu excitari. Ex dispo-  
 sitione cerebri & habitudine fibrillarum tar-  
 ditas vel promptitudo memoriae penderet. E-  
 g. homines, qvibus siccum nimis est cere-  
 brum, & fibrillæ crassiores & minus mobiles  
 ægre Subit recordari; qvia fibrillæ rigidæ  
 impressionem objectorum non recipiunt, &  
 siccum minusque temperatum cerebrum Spi-  
 ritibus transitum non concedit. Sicut impres-  
 sionem annuli non recipit lapis, aut vesti-  
 gium lutum induratum. Si cerebrum fuerit ni-  
 mis humidum & diffluens tolluntur vestigia &  
 memoria perit, quod etiam in parvulis contin-  
 git, ubi vestigia ob incrementum expunguntur.  
 Qvibus vero cerebrum est bene temperatum  
 & fibrillæ subtile mobiles & flexiles, illi sunt  
 felicissimi. De hac re plurima essent dicen-  
 da, nec non de imaginatione, reminiscientia, &  
 aliis, ni ratio instituti me juberet hæc aliis exqui-  
 sitiori ingenio præditis discutienda relinquere,  
 idcirco me ad propositū recipio. Non incommo-  
 dè Musæ Mnemosynes dicuntur proles, μνήμη  
 est memoria, cui additur appositum per le-  
 nihil significans σύνη. Literas docta antiqui-  
 tas pro suo ingenio numen Divinum semper  
 metiri conata est, & cum non potuit percipi

pere quo pacto unicus a nobis cultus inque  
secula laudandus DEUS, omnia videret & im-  
pleret, quantum acie mentis proficere potuit,  
mythicis fabularum integumentis acumen in-  
genii explicuit, idque plurimorum, quos intro-  
duxit, Deorum consideratione, non quod in-  
finitos numero DEOS arbitrata est, sed vim  
& potestatem unius infiniti; per omnia dif-  
fusam existimans, illi, pro actionum loco-  
rum & effectuum diversa varietate, varia im-  
posuit nomina. Unde verum est si dicamus  
vires omnium cæterorum Deorum undique  
per omnia elementa dispersas ab uno Jove es-  
se, cui reliqua Deorum caterva affinitatis  
vinculo conjungitur, instar fontis in riu-  
los diducti.

### THES. III.

**L**icet in tam miro & secundo sententia-  
rum proventu non adeo facile sit senten-  
tiam invenire, cui dicendum tu mihi sola pla-  
ces: interim tamen videntur aut certe debent  
omnes in unum quasi scopum collimare, in-  
digitando Musas nihil aliud esse quam acutam  
ingenii vim, & indolem animi nobiliorem quæ  
bonas artes Studia disciplinas & scientias se-  
statur discit & docet, quaque ad mentis &  
ingenii exercitia libere delabimur, nam ne-  
cessitas a Musis abhorret, quibus lepos jueun-  
dus

dus potior est amicus; Quippe vis illa animi  
quæ intelligit, Studiis & literis admota, nec  
non curæ Præceptorum commissa, de Musis de-  
nominari mox incipit. Sententiae nostræ ro-  
būr conciliant Phrasēs qvas quotidie oculis  
& auribus usurpamus. Dicimus enim Mu-  
sis operari, operam dare, invigilare, iis se  
consecrare & devovere, sub Musarum ve-  
xillis militare, casta illarum sequi delectare  
se cum Musis &c. quid hoc aliud est quam  
ad studia literarum se applicare, & in illis  
addiscendis ingenium animum mentemque ex-  
ercere? Musarum nomine omnes artes libe-  
rales continentur, qvippe qvæ a Musis in-  
ventæ creditæ sunt, & proinde non male  
possunt pro novenario Musarum numero  
novem dici, sed qvod jam in ore omnium sit,  
artes liberales septem esse, ex impositione  
humana, tandem longo usū in consuetudinem  
abeunte, factum putamus. imo omnis anti-  
qvitus sapientia Musarum nomine censeba-  
tur, præcipue tamen Poësis & Musica vo-  
ce Musarum designabantur. Hinc sententi-  
am nostram non moratur sed promovet,  
qvod Musæ Cantores appellantur, si enim ex-  
aminemus verbum ἄειδω cano, est illud  
ab & intensivo & ἔιδω cognosco scio, qvas  
si omnium rerum scientiam sibi vendicent

Mu-

Musarum alumni. Poëtæ qvi etiam cantores dicuntur plerumque Musarum auspicio poëmatu sua ordiuntur, qvorum exemplum hodie tenus etiam Musis devota posteritas imitatur.

#### THES. IV.

**N**umerus Musarum varijs auctoribus & temporibus etiam fuit varius, & quamvis novem esse numero jam receptum & celebratum sit fere ab omnibus, lubet tamen nonnullorum aliter sentientium sententias in chartas nostras transferre. Qvi duas Musas putarunt, unam fecerunt *contemplativam*, qvæ res à sensibus abstractas doceret. Alteram ab *efficiendo practicam*, qvæ circa effectiones & res mechanicas versaretur. Censorinus ait Musas olim tres fuisse ideo existimatas, qvod organon aliquod Musicum tres habuit intensiones *gravem*, *medium*, & *acutam*. Varronis quoque eadem est sententia, scilicet eas tres esse, unam qvæ aqvæ nascitur motu, Alteram qvam aëris iacti efficit sonus, Tertiam qvæ merâ tantum voce consistit. Alius piæ & antiquæ memoriae scriptor numerum ternarium approbat, qvi sonus, qvi materies cantionum est, triforis est naurâ, aut enim editur *voce*, ut qvi faucibus sine instrumento canunt; aut *flatu*

ut tubarum & tibiarum. aut *pulsu* sicut in tympanis & citharis, nec non aliis qvæ percutiendo sonora sunt. *Cornu* ternarius placet numerus, ob perfectionem ejus qvi etiam DEO tribuitur tanquam simplicissimus. *Pythagoras* & *Cicero* præstantiam quaternarij respicientes, tot etiam Musas constituerunt. Nonnulli qvinque habuerunt referentes eas ad vetustissima instrumenta Musicorum, qvæ non plures ex eorum opinione habuerunt sonos, ab his Musæ haud dubie præsides cantorum & Musicorum habitæ sunt. Sunt & qvi numero septenario magnam vim inesse censem, ob septenarium numerum artium liberalium, de quo dictum est modo. Non omnia possumus omnes, nec omnes venatione delectantur, vel militia, vel navigatione, aut vulgari opificio capiunt qvi commoda terræ. sed plurimi literarum desiderio tenentur, siccirco multas genuisse putatur Jupiter Musas, quo liceat cuivis affatim cum delectu haurire ea qvæ elegantia & ipsi utilia sunt. Novem esse Musas plurimorum auctorum consensus & argumentorum pondera evincere videntur. Osiris seu Bacchus Ægyptiorum DEUS omni genere Musicorum & chorearum delectabatur, propterea plerique Musici eum consecabantur, in-

ter qvos novem fuisse puellas proditum est, quæ cantu & Musicâ præstatent, quas ideo Græci appellant Musas, singulis vero unius Bacchus præfectus est, qvia is symbolis nōs & operte divinæ cognitionis nectar prudenteribus monstrat & propinat. Plutarchus hunc in modum ratiocinatur pro hoc Musarum numero: *Novenarius est primus ex primo impare quadrus, atque impariter impar, inque tres aquales dividitur impares seu ternarios, quorum singuli in totidem monadas dividuntur.* Porro ex duobus cubis primis constat *emonade*, vel ex triangularibus, sex videlicet *tribus*, inde triplicato ternione evadit *novenarius*. Antiqui omnia scientiarum genera ad tria referebant, *Philosophiam*, *Rethoricam*, *Mathematicam*, illa fixerunt dona & munera trium Dearum quas Musas nuncuparunt. Sequentibus seculis & Hesiodi ærate cum earum virtutes clarius determinentur, carpentes eas in partes seu formas trinas, iterum viderunt unamquamque includere tres differentias. In *Mathematico Musica* continetur *Arithmetica*, & *Geometria*. In *Philosophico Logica Ethica & Physica*. In *Rhetico triplex causarum genus*. Quorum cum nullum abhorrete à Diis & Musis, vel sublimioris fontis expers esse existimatur,

runt, haud absurdē Musas non tam fecerunt,  
quam existentes quasi invenerunt. Num-  
rum quoque hunc stabiliunt novem noctium  
concubitus Jovis cum Mnemosyne unde gra-  
vida facta novem filias seu Musas uno par-  
tu in monte Thessaliæ Pierio enixa est, *in*  
*quo tonanti Mnemosyne Jovi fœcunda novies*  
*artium peperit chorum*, dicente Phædro: hue  
frons dissertationis hujus cum inscriptione con-  
vertenda est, & hinc merito Pierides nuncu-  
pantur. Nocturno hic tribuitur coitus tempori,  
nam qui sapientius quid meditari gestiunt,  
nocturna his opus est meditatione, & omnia  
quae ad literas pertinent, noctu & in solitu-  
dine potius ferme excogitantur. Pierus Ma-  
cedo quidam prædives, novem habuit filias,  
quae Musas ad certamen cantus provocare  
ausæ sunt, & ab illis victæ in tot picas mu-  
tatae sunt. Vid. Ovid. Met. unde postea Mu-  
sæ earum, nomen veluti tropæum usurpan-  
tes, Pierides vocabantur. Sed hanc denomi-  
nationem non nisi secundariò in titulo di-  
scursus nostri respicimus. Hunc etiam nume-  
rum nomine suo tot literis constante, adstruit  
Mater earum *Mnemosyne*. Præterea hic nume-  
rus præcipue à veteribus pro qualibet mul-  
titudine usurpatus est. Non obscurum est vi-  
dere, præter id quod superius dictum est,

per

per novem Musas intelligi novem scientias, ab illarum se<sup>c</sup>tatoribus coli & ventilari sventas. Pro hoc numero etiam alia ratio militat: qvod sc. civitas quædam Græciæ, *Gyraldus* à *Linocerio* citatus, putat fuisse *Sicyonem*, apud tres statuarios terna simulacra Musarum confiencia locavit, hoc pacto, ut tria pulchiora emeret & in templo Apollinis dono poneret, itaq;<sup>s</sup> contigit, ut omnes artifices æquè puicra formarent simulacra, emit ergo Civitas omnia, & in templo Apollinis dedicavit, qvibus *Hesiodus* postea nomina imposuit. Porro iofictæ sunt cum Apolline Musagete & Fratre earum ( qvi cum cithara decachordæ, legis Divinæ decachordum vel Psalterium referente, pingi solet ) qvod nihil aliud præ se ferre putamus, qvam decem humanæ vocis modulamina, seu decem instrumenta vocis articulare proferendæ, ut sunt: quatvor primores dentes alias canini dicti, qvos lingua percutit. duo *Iabrum* qvæ sunt veluti cymbala verborum. *Lingua plectrum*. *Palatum* cuius concavitas facit sonum, hoc enim eundem habet usum in ore ac laqveat in templo, ut reflectendo major fiat sonus, unde qvibus læsum est palatum rauca est loqvela. *Aphera arteria*, qvæ est meatus Spiritalis. & *pulmo* qvi veluti follis conceptum spiritum vel aërem causam

sam soni proximam reddit & revocat. Hic non moratur alterum aëris usum scilicet vim illam elasticam, quam, in pulmones irrumens, sanguini ne putredinem contrahat, largitur. Quidam per has Musas, spheras cœlestes intellectas voluerunt, quorum aliæ sunt tardiores, aliæ celeriores, aliæ medium inter hos motus sortiuntur; Eandem fuisse sonorum in instrumentis Musicis differentiam quibusdam persolvit, quorum inventio Musarum tutori & præfidi Apollini Attributa est, qui cum typum solis in firmamento positi referat, necesse est ut Musæ ejus comites ex loco vicino nomen sortiantur. Non defuerunt qui cœlum illis, utpote filiabus Jovis, sedem destinarunt, quod ex Horatio apparet, qui auxilium Musarum cœlitus devocare svevit.

### THESES. V.

**D**isvidentes quo tempore coli cœptæ sunt Musæ, deprehendimus quosdam ( siquidem Musas, cognitionem vel intellectuionem animi, quæ utpote primaria ejus facultas, individuus ejus comes est, interpretati sunt ) statuisse illas ab initio societatis humanæ fuisse. Constat eqvidem ex Homero qui coetaneus fuit Eliæ, & Hesiode qui Musarum sa-

sacerdos fuit in Alcra aspero & sterili pago in Bœotia ad radices montis Heliconis sita, Musarum cognitionem illorum ætatem antegressam fuisse, illi enim multa jucundè & utiliter de Musis scripserunt. Tempore primorum judicium, Hercules Jason & Argonautæ, de quibus, in narrando multi sunt Poëtæ, expeditiones suas insti-tuerunt. Imò fulti sententia acutissimi Huetii, non veremur Musas ad tempora Mosis usque referre, à qvo etiam nomen illorum deductum innuimus, qui omnis eruditionis eâ tempestate facile princeps fuit. Accedit etiam qvod à Græcis Musajos appellatus sit, & Soror ejus Maria cum suis sociis convenienti nomine Musa vocata est, ut supra diximus: par ergo est nomen, par etiam officium, cantus videlicet & tripudia, qvo munere præcipue nobilitata fuit Maria. Quibus persuasi rationibus, ætatem Musarum usque ad tempora Mosis retro numerare contendimus, sed num ante illa tempora aliqua eorum cognitio extiterit, certo con-cludere non possumus.

### THESS. VI.

**T**anta est vis Musarum ut mentes vulga-res suspensas teneant, & in sui admiratio-

nem

nem rapiant, cum suavitate orationis, &  
 fidorum mirabili varietate animos illustrium  
 Juvenum solerter capere sciunt, multa pro-  
 ris obtrudendo, nulla enim res tam exigua est,  
 quam non mirum in modum elevat artifex  
 Poëta, sibi tamen & pudiciæ suæ optime  
 cavere sciunt, quare etiam castæ virgines, na-  
 tivo & venusto decore semper contentæ  
 habitæ sunt, unde est quod ἄργων seu illæ-  
 stæ & invulneratæ semper sint, tela enim è  
 pharetra Cupidinis depromta, sicut non re-  
 formidant, ita nec expertæ sunt. Et Veneri  
 illis bellum minitanti acriter succensuerunt.  
 Viros quidem eorumque animos oculis suis  
 venantur Musæ, non tamen molles effeminatos  
 yino & veneri deditos, sed sobrios & constantes.  
 Mulieres singuntur, quia virtutes & disci-  
 plinæ casus muliebris nomenclaturas habe-  
 bant. Virgines autem castæ & non conjugatae,  
 quia omnes graves pravæ & immodicæ volu-  
 ptates sapientiæ adversarie & nocivæ sunt, &  
 memoriam acumenq; ingenii maxime debilitant  
 & disciplinæ virtutis uti virgines abditæ vi-  
 denteur, dicente Geofredo linocerio, qua ra-  
 tione interiores & reconditas appellavit Ci-  
 cero literas. Cur autem virgines Nymphæ  
 dicuntur non potest eos latere, quibus no-  
 tum est, quid sit νύμφη, seu indicium inte-  
græ

græ pudicitiæ virginæ, cuius ulteriore expli-  
catione, utpote teneris & honestis auribus in-  
gratâ supersedemus. Nec est qvod aliqui scrupu-  
lum moveat, qvod singantur Virgines &  
tamen filios habeant. Clio singitur duos  
habere filios diversæ indolis, *Hymenæum* &  
*Jaleum*, sunt etiam qui hos pro filiis Cal-  
liopes non minus quam Orpheum habue-  
runt. *Erato Tamyræ* qui amatoria cecinit,  
*Thalia Palephati*, qui de frugibus & plan-  
tandis arboribus, scripsit, matres dicuntur, imò  
singulis sua tribuitur progenies, Nam hoc  
sit saltem Paronymicè & allusivè, cum Po-  
etæ & sapientes iis excelluerunt donis ac do-  
tibus, quibus Musæ illorum genitrices ga-  
vissæ sunt. Quin singulæ Mularum illustres  
Poëtas rapuisse eisque cum lyrâ & carmi-  
nibus venam artem & vaticinia indidisse  
creduntur: *Calliope* Orpheum habuit filium  
eumque afflavit, ut auctor est *Hesiodus in Theogonia*, *Musæum Urania*, Homerum *Clio*, *Poly-  
mnia Pindarum*, *Erato Saphon*, *Melpomene Ta-  
myram*, *Terpsichore Hesiódum*, *Thalia Maroné*,  
*Nasonem Euterpe*, inspirarunt, longum eslet os-  
mes enumerare Poëtas. Musæ nusquam ab  
ullo pictore vel factore armatae exhibitæ sunt: quo  
significatur, id vitæ qvod in literis ævum e-  
xigit, placatum & mansuetum esse opportere.

C

Nec

Nec mirari subeat quod Pallas Musarum amica, & ex Patre soror earum, armata ē cerebro Jovis nata sit, semperque in armis stet, Musis vero insigni armorum specie eminentere non sit concessum. Nec hæ prorsus inermes sunt, licet arma non gestent militaria, auro argentoqve distincta, Clypeum scilicet & gladium, hoc est, eruditus & in castis Musarum exercitatus, ne nudum latus hosti obvertat, pro cuspide præacutam ingenii aciem irruenti violentiæ opponit, imo vir sapiens inque rebus agendis providus, ipsam Gorgonis faciem in scuto, pectori affixo gestat, quo tela incaute incurrentium non solum excipit & contemptim eludit, sed etiam infestissimos hostium rigere & obmutescere facit. Cedant ergo arma Togæ concedat laurea linguae.

### THES. VII.

**H**oc loco non videtur silentio prætereundum, quod tanta inter eas vigeat amicitia vis, voluntatum studiorum & sententiarum summa consensio, ut nunquam in diversa digrediantur, sed semper una incedant, inque syavi concordia persistant; quod ne gratis ab antiquis dictum vel fictum arbitremur sciendum est, illos hoc ipso indigitasse, virtutes & di-

disciplinas individuo & sacerdotio quasi nexu co-  
hæcerere, unde Poëtæ totam plerumque Mus-  
arum catervam operibus suis voro præmit-  
tere solent, aliquando synecdochicè unam,  
reliqvis subintellectis, adhibent. Et ne nutriti-  
menti inopiam languescant, vel inediâ consu-  
mentur, præstantem nutricem *Euphemen* illi-  
lis invenit veneranda antiquitas, gloria enim  
& illustre nomen bonasartes & disciplinas alit,  
nec est alter magis potens & acutus stimu-  
lus ad impellendum animos in æmulationem  
virtutis quam gloria.

### THES. VIII.

**N**on speramus proorsus operam perditum iri-  
si in singularum naturam breviter inspi-  
ciamus. Prima illarum est *Cho* à κλέσι  
vel κλέσῃ gloria, quam ex studio literarum  
sibi arcessunt illarum amantes, Hæc res ge-  
stas canere & celebrare, nec non historias  
invenisse fertur, quarum est memorare lau-  
des fortium virorum, eorumque gesta ad po-  
steritatem transmittere. Duos diversæ indo-  
lis filios habuit *Fatenum* & *Hymenæum*, huic  
nuptiarum solennia cordi erant, quem etiam  
cantuum Epithalamicorum inventorem fuisse  
vult Plutarchus; illi autem luctu & gemitu tem-

pus terere solenne erat, h. e. qui gloriam affectant in literis, nunc dulcem cantant *Hymenaeum*, nunc lugentis *Jalemi* miseram edunt vocem. Secunda *Erato* δύο τρίς ἐρωτικῶν amoris nomen nostra est, vel quod his praesit qui amores canunt, quia cupidine & amore sciendi tenentur sapientes. Cupidinem venefis, & voluptatis mollitiam hinc facescere jubarimus. de prole huius cum non sit una omnium opinio, illam missam facimus. Tertia *Thalia* à θάλλῃ virere, nam doctrina & Poëtarum fama nullo tempore marcescit, seminandi & plantandi, artem docuisse creditur, hinc epulæ & convivia, ex quibus moderate institutis & usurpati ingenio gravioribus interdum curis laxato, dulce sufficitur tefrigerium & pabulum, nam spiritus animales novo incremento aucti, vegetiores redduntur, & facilitatem accipiunt aperiendi poros cerebri, atque sic aetum memorie sublevandi. Quarta est *Melpomene* à μέλπω seu μέλπομαι quasi μέλος ἐπω à modulando dicta, quia cantus, aliis autem Rhetorices, inventrix putabatur, & tragœdiis praesidere, nam mos erat, actus tragœdiarum choreis, cantu & carmine flebili constantibus interpolare, nec incommodè sicut enim diversa μέλη seu membra unum

cor-

corpus constituunt, ita ex diversitate vocum unum melos consurgit, quo haud dubie dulcis oratio, diferto fluens ore intelligitur. Quinta Terpfichore à τέρψει τὸς χόρας delectandis tripudiis dicta, vel quod ipsa his vehementer delectetur. vel quod aliis bonis è doctrinâ promanantibus oblectet, vel etiam ipsum Musarum chorū. Inventio citharæ huic tribuitur. Saltare antiquis in vitiis non erat possum, unde vero saltatio absqve Musica? hinc apparet non omnes Musas seriis, sed quasdam etiam jocosis, modo tamen pulchre servato, intentas esse rebus, cavendum itaque ne ad turpem & inhonestam voluptatem disciplinæ inimicam fiat lapsus. Sexta est Euterpe ab εὐτέρη bene delectare sic dicta, à savitate concentus, vel à gaudio quo tandem fruuntur literati, licet enim in castris Musarum multa gravia occurant, larga tamen præmia & jucundæ oblationes illarum spectatores olim manent & seqvuntur. Mathematica, vel ut alii volunt Lyram tibiam & instrumenta Musica invenisse eisque præesse existimatur, quidam in uno, alii in pluribus filiis hanc acquiescere autumant. Septima est Polymnia quasi πολύς μνεία ab excellentiâ memoriæ, quæ quantum Musarum sacrarium in-

ingressos juvat, supra in Thes. II dictum est, quare in narratione ejus multum esse non opus est. Alii Polyhymniam vocant à multitudine carminum seu laudationum. hæc historiam dicit quia multarum rerum memoriam pollet. Oœava est *Urania* ἀπ' Ὑγεινῆ cœlestis sic appellata vel à cœlestium rerum cantu, quia Astrologiam disciplinarum Mathematicarum nobilissimam invenisse dicitur. per cœlum hic, ex mente Plinii, totius mundi systema intelligitur, quia Musarum Alumnus cognitionis omnium honestarum rerum desiderio trahitur. Et docti virti sub quolibet cœli climate degunt. vel quod eruditos & sui studios ad cœlum usque laudibus evehat, oculosq; mentis ad contemplationem cœlestium elevet; at cœlestis illa contemplatio quid aliud est, quam animo ad secretas cogitationes verfato, despicere quod conducit vel nocet, illud vero diligere, hoc aspernari cœlestis est animi & divini. Agmen illarum claudit ultima & nona *Calliope* ἀκαλῆς ὄπος seu suavitate vocis nomen habet, unde illam Rheticæ artique persuadendi, nec non Poëticæ præfecerunt, hæc reliquarum omnium excellentissima est, illa enim unica omnes alias sapientiâ doctrinâ, nec non literis sui nominis numerum reliquarum

æqvat

æqvat. Hæc de nominibus illarum breviter dicta sunt. Quod aliorum subtilium inge-  
norum acies in his scrutandis longius se pe-  
netrare valet, non invidemus vel damnamus,  
nobis simpliciter persuasum esto, qvod qui  
multum operæ disciplinis dederit, & gnaviter  
Musas coluerit, tam mitiores disciplinas, quam  
occulta Philosophorum adyta inspectaverit,  
non solum decus & gloriam, sed incredibilem  
etiam voluptatem ex illo labore reportabit.  
Inventa singularum Virgilius carmine sequenti  
complexus est.

Cleio gesta canens transactis tempora reddit;  
Melpomene Tragico proclamat mæsta boatu.  
Comica lascivo gaudet sermone Thaleja.  
Dulci loquac calamos Euterpe flatibus urget. (get  
Terpfichore affectus citharis movet, imperat, au-  
Plectra gerens Erato saltat pede, carmine vultu.  
Carmina Calliope libris Heroica mandat.  
Urania cœli motus scrutatur, & Astra.  
Signat cuncta manu, loquitur Pvlymnia gestu.  
Mentis Apollineæ vis bas movet undiq; Musas.  
In medio residens complectitur omnia Phæbus.  
Fulgentii de Musis tale est ratiocinium, Musa-  
rum fabula nihil aliud præ se fert quam primum  
esse, velle doctrinam: secundum, delectari qvod  
velis: tertium, instare ad id quo delectatus es  
qvarq;

quartum, capere id quod instas: quintum, memorari quod capis, sextum invenire de tuo simile ad id quod memineris: septimum judicare de quo invenias, octavum eligere de quo iudices, nonum optime dicere quod elegeris. De ordine Musarum, sicut non multum refert quo incedimus, cum & varius apud autores & scriptores reperiatur, non adeo sumus solliciti, nec hunc tanquam apodictice probatum, aliis obtrudimus, sed quemlibet suam fovere sententiam & libertatem sinimus.

### THESES. IX.

**A**bsolutâ jam breviter historiâ & inventio-  
ne Musarum, verbis in pauca collatis,  
unde cognomina sortitæ sunt ostendere animus est. Tam hoc tenendum est, quod loca quæ incoluerunt vel in quibus celeb-  
ræ sunt illas sibi cognomines formarunt.  
Unde vero Camenæ dicuntur non adeo con-  
venit inter eruditos, quidam à cantus amoe-  
nitate. Antiquis dictæ sunt Carmenæ & Cal-  
mæ Postea abjecto r. vel s. aliis placet Ca-  
menæ quasi Canenæ à Canendo. Dicuntur  
*Heliconides* vel *Heliconiades* à vertice He-  
liconis, in quo sedem habuisse finguntur, qui  
mons in Bœotia, Parnasso pariter Musis &  
Apollinis sacro, cuius etiam altitudinem & am-  
bi-

bitum æmulatur, vicinus est, ejus radix et  
fundamentum saxeum, adeo est Asperum vi-  
aque scrupulosa, ut ad culmen tendenti vix  
dimidium conficere licet, priusquam multum  
sudet & algeat, adeoque satis efficax ad ex-  
primendam imaginem vitæ literariæ. Alii ab  
Organo Musico Helicon dicto, in quo no-  
vem chordæ sunt, hanc denominationem  
ductam volunt. Modo dictus in Phocide  
mons Parnassus, unde quoque *Parnassides* deno-  
minantur Musæ, sic ab Heb. חַר & שָׁמֶן,  
*Har* est mons, *Nabbaſch* vero Augurium, quasi  
dicatur mons Divinationis, nam oraculi Del-  
phici sedes erat ad radices Parnassi. atque hinc  
fabulæ locus. Hinc non procul abest Aonia  
pars montanæ Bœoticæ, quæ etiam nomen Mu-  
sis dedit, ut dicantur *Aonides*. *Cithériades*  
*Cithérones* & dicuntur ab alio monte Bœoticæ,  
30. mil. pass. à Parnasso distito, ubi Baccho quon-  
dam sacra siebant, ibique Nymphas ex anro  
suo olim vaticinatas esse constans tenet fama,  
*Pierides* vocantur à Piero monte Thessaliæ illis  
sacro, de quo antea, vel Piero vetustissimo Po-  
ëta qui plurimum Musas celebravit. *Thespia-*  
*des* appellantur à Thespia liberâ in Bœotia urbe  
Musis consecratâ, Heliconis propinqua. *Peo-*  
*gasides* à Pegaso alato Bellerophontis equo,

fontem in monte Helicone itidem Musis sa-  
 crum, ungulis aperiente, qui fons Caballinus o-  
 rigine Græcā Hippocrene nominata est, unde Hip-  
 pocrenides. Qui hoc fonte labra proluit mox  
 Poëta factus est, Pegasus est à πηγῇ fons. Pim-  
 pleides & Pimplea à monte in Macedonia  
 Pimpla, & fonte ibidem ejusdem nominis,  
 utroque Musis dicato. Aganippides ab A-  
 ganippe celebri fonte, ad montem Heli-  
 conem, Musis & Apollini sacro. Hic non  
 est idem cum superiore Hippocrene, sed est  
 illi vicinus, & ejusdem naturæ, nam poti in-  
 spirationem literarum fecerunt teste Solino.  
 Aganippe commode ab Hebræo dicitur.  
 Aganibba est crater viroris, hoc est viridis,  
 quia fontis crater est, antea dicta est Enip-  
 pe quasi en ibbe, fons viroris. Cadmus in-  
 ventor hujus fontis habitus est, bene, con-  
 veniunt res, nam is ex mente Antiquorum  
 literas quoque invenit; inde facile est judi-  
 care, cur fons ab eo inventus Musis sacra-  
 tus sit. Castalides à fonte Castalio ad radi-  
 ces Parnassi sito, non procul à Delphis, un-  
 de Apollini & Musis consecratus est, Mu-  
 mur Castalii fontis aliquid fatidici putaba-  
 tur habere, nomen huic fonti dedit virgo  
 Castalia, quæ Apollinem fugitans præcipitata,

inque fontem versa est. *Libetrides* à Libetra  
fonte Magnesiæ, carminibus celebrato. Qui-  
busdam placet à Libetro monte Macedoniae  
hoc derivare nomen, *Hilissiades* à Hillo  
Atticæ fluvio nuncupavit Cœlius. Dicun-  
tur porro *Ligyæ*. *Coryfides*. *Mnemosynides*.  
*Maonides*. *Ardalides*, tibiam enim invenisse  
Ardalus credebatur, in cuius veteri arâ  
Musis & somno illorum amico Sacra siebant.  
Jam multis in locis, quod dolendum, sacri-  
legia verius quam sacra illarum cernere li-  
cer. Non possumus inficiari, plurima hic  
esse intermissa, utpote de montibus Pindo &  
aliis, fontibus, templis, sacris & locis Mu-  
sarum, sed proposita brevitas jubet nos hæc ex  
quisitoribus ingenii discurtienda relinqvere.  
Tempus jam aurem vellit ut huic negotio  
finem imponam sicubi, quod pulcrè novi,  
imprudens lapsus sim, & scopum, veritatis  
adyta, arcanosque fontes minus recte reclu-  
dendo, non contigerim, des quæso B. L.  
hanc culpam ingenii, facultatis, & subsidio-  
rum curæ supelligili, cum non industria  
ducia sed vigor consuetudinis Academicæ,  
hunc conatum expressit.

PRO CONCESSA GRATIA, SIT  
SUMMO NUMINI GLORIA.

Ad  
VIRUM

Clarissimum Candidatum.

Dn. S V E N O N E M  
MELANDRUM,  
Dislertationis hujus Gradualis Au-  
ctorem ingeniosissimum,  
MUSA gratulatoria.

**T**er trinæ Phœbi comites, Heliconis alu-  
mnæ,  
Quid sint, quid valeant, quidve requirat  
opus,  
Monstrat Thespiaenum & sophiæ decus ipse  
MELANDER,  
A musis quando certat habere decus.  
Sic solvit tricas, sic volvit & ore loquelas,  
Omnia sic tanta fertilitate refert;  
Ut merito Musæ jam mecum dicere possint:  
Hunc Musæ studiis excoluere suis.  
Inspice lector opus, tibi fructus, utilitatem  
Policeor magnam, sic quia differvit:  
Progenies Jovis aut Phœbi ipsis esse Poëtis  
Dicitur Aonii turba novena jugi.  
**C**unctis suppeditant rectas mortalibus artes  
Musæ, quas portant ex Helicone suo.

Illæ animos nostros stœctunt modulamine canticis;

Laude Deum celebrant & pia facta canunt.

Jam montes habitant, jam lucos & loca sola,

Nunc loca Pierii, nunc Heliconis amant.

Interdum cunctæ, nonnunquam perficit una

Ex illis Musis, facta per ampla sua.

Calliope nobis heroica carmina mittit,

Dat vocem egregiam pectore & ore suo.

Melpomene tragico dat carmina digna cothurno.

Hæc suavi cantu jam superat reliquias.

Splendida gestarum sit Clio nuncia rerum,

Hæc merito Aonii dicitur una chori.

Terpsichore dicunt Sirenas progenuisse,

Quæ simul ostentans organa, sistra fides.

Ast Erato saltans, modulans & amabite carmen,

Quam procul omnis mox in sua vota vocat.

Serta Thalia manu solerti laurea texit,

Gaudens jucundo more vel ore suo.

Uranie pandit famulantia sidera Cœli

Atque poli motu, Dædala castra docens.

Reficiens animos Polihymnia voce sonora,

Cernitur & gestu corporis ipsa placens.

Dulcis at Euterpe calamis instructa cantoris

Dulciloquvis calamos flatibus usque premit.

Halce novem Nymphas, movere undiq; pulcer

Apollo,

Phœbus & instruit has in medio residens.

Quid moror in rebus, quas Auctor protulit ipse?

Quid tacitæ mentis sensa profunda velint?

Nil

**N**il nisi quod grande celebrē nova gaudia plausu,

**N**il nisi quod grater jam tibi Pierides,  
**I**n montem aonium quas confluxisse videmus,

**I**ngens lætitia fertur ad astra sonus ;  
**H**& pariter Musæ contexunt serta decora,

**Q**ueis illæ cingent tempora docta tua.  
**S**icque dabunt Musæ tibi præmia justa laborum,

**E**gregiusque labor sic tibi justa dabit.  
**P**rovida sedulitas rebusque intenta gerendis

Perficit hoc doctum sedulitatis opus.  
**N**ostra per immensas ibunt præconia laudes,

**E**t memorabimus hæc facta polita tua.  
**D**a DEUS auspicio fausto cedant tuæ cœpta

**N**uminis in laudem, sunt pia vota mea,  
**I**n patriæ propriuinq; decus simulac & ho-

**norem**  
**I**nque patris plausum, dirige cuncta DEUS !

**T**e servet jam Rector Olympi cernuus oro,  
**N**estore sic senior vive, vigeque vale !!!

**quam sincero affectu obtulit**

**JONAS EREDASH.**

